

影印
四庫全書

四庫全書

影印

文淵閣四庫全書

第三一九冊

北京出版集團公司
北京出版社

本冊目次

續資治通鑑長編(六)

宋 李 燾撰……………一

欽定四庫全書

史部
續資治通鑑長編卷二百八十七

詳校官檢討 臣 劉錫五
刑部郎中 臣 許兆椿覆勘

纂修官修撰 臣 黃軒
謄錄監生 臣 黃琮

欽定四庫全書

續資治通鑑長編卷二百八十七

宋 李燾 撰

神宗

元豐元年春正月庚戌詔河北轉運司令所在長吏躬

禱名山靈祠旱故也

壬子命輔臣祈雨 魏國安仁保佑夫人張氏乞依赦

封二代從之 神宗 元豐八年二月 自崇寧改封魏國

欽定四庫全書

續資治通鑑長編
卷二百八十七

甲寅右諫議大夫提舉崇禧觀沈立卒

乙卯集禧觀使鎮南節度使同平章事王安石為右僕

射觀文殿大學士集禧觀使放朝謝安石辭使相乞以

本官領宮觀屢詔不允而安石辭不已故有是命 交

趾郡王李乾德上表言伏蒙賜詔從臣所請自今復脩

職貢已令安撫司各差人畫定疆界毋得輒侵犯臣已

奉詔遣人送方物乞賜還廣源机榔等州縣詔候進奉

人到闕別降彊事處分 又詔河北路轉運司檢放水

災民戶秋稅欠負展限輸納 又詔京西淮南路轉運

司訪名山靈祠委長吏禱雨雪 權御史中丞鄧潤甫

言知虢州鄧綰近復龍圖閣待制中外之論皆謂綰在

言路肆為邪慝陰連公府掾屬數為大臣祈懇乞除大

臣之子館職傳笑四方傷辱國體近世處言職者未嘗

有也陛下以綰操心頗僻賦性姦回論事薦人不循分

守故斥逐之今綰去位未幾亟還近職指紳藉藉莫知

所謂蓋蘇頌奪職八年而後復諫議大夫曾布五年而

欽定四庫全書

續資治通鑑長編
卷二百八十七

二

後得待制綰何人獨此超越乞追寢成命以厭公論詔

綰罷龍圖閣待制以本官充集賢院學士知河陽

丁巳詔國子監丞主簿省一員

戊午判太常寺樞密直學士陳襄崇政殿說書同修起

居注太子中允集賢校理黃履太常博士集賢校理李

清臣秘書丞集賢校理王存詳定郊廟奉祀禮文太常

寺主簿秘書丞楊完御史臺主簿著作佐郎何洵直國

子監直講密縣令孫諤充檢討官先是手詔講求郊廟

奉祀禮文訛舛宜令太常寺置局仍差定禮官數員及

許辟除官屬討論歷代沿革以考得失故命襄等五年

十一日成書熙寧十年十二月甲午黃 皇城使達州

刺史入內副都知賴利涉為海州團練使時利涉校年

止當遷官而詔以利涉逮事先朝藩邸故特有是命

減併陳留捧日天武第七軍第一武騎帶甲刺員亳州

第一龍衛帶甲刺員陳留第一亳州第二尉氏號猛第

二南京雄威第八咸平雄勇第二第三鄆州第五許州

欽定四庫全書

續資治通鑑長編
卷二百八十七

三

第六管城第七白馬第八總十三指揮每軍止各置一

指揮並以五百人為額餘數聽額外收管 經制熙河

路邊防財用乞封椿息錢以備朝廷移用如鑄錢鹽井

之類與轉運司錢本相干者並以熙寧九年為額本司

認數撥還從之

己未荆湖南路安撫使謝景溫言奉詔相度轉運司乞

補徽誠州溪峒蠻職名俸給事臣詳朱初平招撫楊光

偕等各與官職請受其歸明地依舊住坐緣楊族諸蠻

顧懋巢穴本亦不敢輕犯邊境昨既得官資請受安土樂業悉如故時所以近上首領爭出聽命比至初平等不帶兵甲親入招安遂生驚疑已恐朝廷經畫其地故楊昌普等遮擁道路殺害使臣幾成邊患今若修建城寨留戍官兵必以為朝廷利其土田增置州縣人懷遷徙之憂勢疑事迫必合而為姦今近上首領既已受命利於俸給其餘族類自不敢動又已有關峽武陽兩寨控扼更不須別作防守若二三年間恩信浹洽使其向

欽定四庫全書

續資治通鑑長編
卷二百八十七

四

化之人轉相勸諭然後經制城寨亦未為晚所欲補楊晟堅巡防名目緣晟號為桀黠蠻人畏服今忠順之誠尚未可保而遽補之職名萬一假朝廷之勢役屬諸蠻黨類附從非我之利謂當如舊為使其朱初平招納之時所差使勾當人楊晟勝等或先率眾通道或招同類來歸委有勤効未嘗推恩及熙寧五年先歸明見為衙職者總五十人並乞依轉運司所奏等第推恩三州一鎮自未歸明以前每歲進奉總請券二千四百餘緡

昨補逐人官職料錢衣絹歲計三千七百餘緡以進奉券錢折除外歲不過給七百九十餘緡若依轉運司所乞續補楊晟勝等名目須給請受緣逐人所給止是一卒之費終其一身以歲月較之不過十餘年盡矣詔如景溫所奏令轉運司具合與楊晟勝名目請受以聞

賜廣濟河輦運司上供米十萬石付徐州淮陰軍出糴以賑水災饑民三司言建州熙寧六年買茶三十二萬九千餘觔有竊惡茶剝納錢三萬六千餘緡當於園

欽定四庫全書

續資治通鑑長編
卷二百八十七

五

戶及干繫人名下理納雖淹歲月以致破產未必能償乞計其直令復準茶入官以寬遠民監催追擾之弊從之本志有此但改熙寧六年作今歲則誤也提點南郊事務向宗儒乞自東墻門內布黃道至望燎位下禮院詳定闕報入式從之

庚申詔權御史中丞鄧潤甫翰林學士許將與三司并都理欠司同詳定該赦合放欠負以聞

辛酉詔川廣福建路官在任或替移未出本路身亡雖

已請接送雇人錢許差坐船一隻 又詔諸路州軍開

雨雪過多委提舉司月一申中書進呈令司農寺注籍

癸亥詔自今學官非公筵不得豫妓樂會從知永興軍

呂公孺請也 判司農寺熊本言近諸路皆言甲頭催

稅未便今相度欲令諸路依元定役法錢數雇募戶長

如未有人應募據稅戶多寡輪四等以上保丁催稅每

都保毋得過五人每人須催百戶以上量所催多少支

給雇錢共毋得過元雇戶長錢數依舊一稅一替願再

欽定四庫全書

續資治通鑑長編
卷二百八十七

六

充者聽如有違犯並依舊條內甲頭減戶長一等詔送

司農寺相度以聞 置催稅甲頭在熙寧八年閏四月乙巳

詔經制熙河

路邊防財用司兼秦鳳路財用司御批改用字作利字

改用作利此據御集其後却並作用字不知何故當考熙寧十年十二月辛丑已詔經制司兼秦鳳此又重出

遣西京左藏庫副使元日宣兩浙路文思副使曹詔

江南東路點閱團結諸軍 降前知真定府龍圖閣直

學士吏部侍郎致仕韓贄一官追其孫思純將作監主

簿告通判鄭淵簽書判官王欽臣各降一官判官許章

推官劉處厚各銜替司隸參軍劉舜理以下三人勒停

北寨主楊克德以下三人除名編管並不用赦降去官

坐牒易州捕盜誤以解子平為北界地啟其爭疆之隙

也 此事當考詳贄新舊傳俱不載此贄知真定時乃治平二年

詔提舉成都府等

茶場司李稷相度置場買茶聽商人於熙河路入錢及

糧草定價給引指射請販利害以聞

甲子詔入內侍省闕官罷都知張茂則都大提舉修

閉澶州曹村決口命龍神衛四廂都指揮使榮州防禦

欽定四庫全書

續資治通鑑長編
卷二百八十七

七

使燕達為提舉本所兵馬總管仍於北京差禁軍二千

人隸總管司 詔權發遣夔州路轉運副使董鉞成資

日升一任留再任仍自今夔州路轉運使副判官提點

刑獄如今再任者並取裁與升任或減磨勘年 審官

東院言廣南兩路員闕願就之人少欲乞水土惡弱處

為一等繁難處為一等其餘並為一等令轉運司保明

申奏從之 司農寺言諸路命官使臣因軍期亡歿其

子孫不該廢免者本戶役錢減放五年從之 詔免京

東西路轉運司年紀封樁錢糧以本路言水災闕乏故也

乙丑遣官謝雨 詔自今樞密院諸房副承旨出職與

主事請受為州鈐轄 權發遣三司使李承之言近年

以來朝廷寬假資格稍高之人為其衰遲或不任事未

欲遽令休退故置提舉管勾宮觀之職優與俸祿以示

始終恩意之厚不立員數而臣僚趨聞貪祿冒昧無耻

或精神未衰年齒方壯便私避事亦求此職條制既寬

欽定四庫全書

續資治通鑑長編
卷二百八十七

初未釐革故今內外宮觀約百餘員無纖芥職事歲費

廩食不下數萬緡臣竊惜之乞今後在京宮觀提舉提

點管勾官共毋得過十五員諸路倍之如有除授令依

例待闕所貴勤勞官守之人有以區別不虛費國用詔

自今陳請宮觀等差遣人年六十以上聽差仍毋過兩

次宮觀限年及次數墨本在二

月辛亥今從宋本移入此 詔以太皇太后聖體

久未康平其令開封府及諸路訪衆所見效口齒科給

裝錢乘驛赴闕

又詔經制熙河路邊防財用司根括

冒耕地為官莊限半年聽民自陳其方田更不施行舉

貸止支錢納日計市直許以糧折納收息二分願納錢

增一分熙寧七年三月六日又元豐元年十二月十七日可考 司農寺請令諸

路依舊置牙司從之

丁卯詔提舉永興等路刑獄公事王孝先置獄涇州根

治摩丹當博事能自陳即免罪若告得實者與班行酬

獎事具二年五月乙未 成都府等路茶場司言應賣茶官如非

其人許本司選擇於事簡處對移如闕正官即於得替

欽定四庫全書

續資治通鑑長編
卷二百八十七

待闕官內差權或指名牒轉運司差從之 樞密院言

昨降濶閃弓樣令軍器監依樣打造今一千三百六十

張已了九百三十張已了未樺一萬張未計料詔其已

了并未樺兩色內共先次支二千張與提舉教習馬軍

所元豐元年正月二十一日手札

戊辰錄三班奉職劉通一子為三班借職通隨軍攻討

山後生羌充中軍大部騎隊戰歿故也後父昌祚言通

無子以其弟逸之子維為後詔授維官為通後 詔秦

鳳等路轉運副使同經制熙河路邊防財用太常博士

趙濟候經畫就緒與除館職 又詔司農寺應常平存

留一半錢穀糶糴數目每歲終類聚於次年春季點校

仍開具逐路以聞 賜度僧牒百付京東路轉運司撥

還徐州築城興置木岸等所借常平錢 前司門郎中

王伯瑜乞改京東河北四路產鹽場為市易鹽務官買

於竈戶以售商人詔都提舉市易司召伯瑜審議

韓絳書論此執時在密州 熙寧七八年事當考伯瑜提舉河北京東鹽稅再任在熙寧五年十二月 詔

欽定四庫全書

續資治通鑑長編 卷二百八十七

十一

同提舉荆湖北路常平等事著作佐郎張琬衝替坐越

職言荆南張頴不當也 熙寧十年七月辛未頴自京南

丑頴除戶侍 頴論奏 張琬所劾事具注熙寧十年七月辛未頴移荆南時 張昇有子名琬不知即是此人

否

已已著作佐郎權檢詳兵房文字范育復崇文院校書

詔河北路權停折納以經水災糧草貴也 刑部員

外郎知制誥熊本落知制誥為屯田員外郎分司西京

饒州居住大理寺丞權外都水監丞陳祐甫為潁州團

練推官權知都水監主簿司農寺主簿婺源縣丞史邈

追兩官與遠小處合入差遣權外都水監丞主客郎中

范子淵追一官差遣依舊並免勒停權河北東路轉運

副使金部員外陳知儉追一官衝替文彥博特放大名

府冠氏臨清清平縣干繫官吏并東流南岸都大司並

令提點刑獄司劾之其運河置牌令都水監再相度本

坐按視濬河不實緣疏濬有河退地二萬二千三百頃

而附會報不以實法非因公事不得赴州郡酒食而本

欽定四庫全書

續資治通鑑長編 卷二百八十七

十二

違法赴彥博會子淵所稱河退地雖實而以二年數誤

併為一年奏上祐甫邈知儉皆附會失實故有是命濬

川杞僅同兒戲子淵所稱固多妄然邈初勸本先行河

決利害乃見彥博而本言彥博三朝舊臣小利害安能

動搖又修私敬於彥博子淵具以告故上不直本也

朱 削去濬川杞同兒戲及上不直本等語專以元斷案修

定新本已復存之元斷案固不可隱落而墨史所書乃

實事也九年十二月癸未始命本相視舊紀書熊本按

視濬河附下失實落知制誥分司西京新紀不書 鄧

潤甫作熊本神道碑云會中貴人程昉欲於衛州西南

鑿隄引河通江淮都水丞范子淵建疏濬司以鐵龍爪

疏黃河謂可回奪河勢欲附會退灘地為疏濬功事下
河北安撫司帥臣文潞公言小臣與功周利皆非實詔
公覆視公還奏時云六隄引河非是疏濬計功皆妄願
先罷提舉司已而諫官論公嘗以議事會食大名府非
法坐降屯田員外郎分司西京然亦廢漕河罷疏濬司
碑蔡卞書彭汝礪作本墓銘云會中責程昉欲作運
河通江淮都水丞范子淵以鐵龍爪疏河謂可回大河
之勢而附會退灘地為疏濬功文潞公判大名府言小
臣與功周利欺上皆非實公被命覆視將行執政以利
害啗公公哂之既至具得欺罔狀還奏乞先罷都大提
舉司寢與時龔龔公論之益急言者遂斥公嘗以議事
會食大名非法坐降屯田員外郎分司西京未幾運河
塞疏濬司亦罷

庚午詔屯田郎中前知洺州萬贖除落差替令河北西

欽定四庫全書

續資治通鑑長編
卷二百八十七

十三

路提點刑獄韓宗道具析體量贖違慢詔條不實因依
以聞初宗道奏贖奉行條法有違而贖自列辨正朝廷
知其無罪也其後宗道以體量不當罰銅十觔

十年三月二十

一日河北憲司言贖不堪
治治却不載差替指揮

辛未命度支員外郎秘閣校理同修起居注檢正中書
戶房公事安燾假左諫議大夫史館修撰為高麗國信
使著作佐郎集賢校理同知太常禮院林希假右正言
直昭文館副之先是權知高麗國王王徽比年遣使朝

貢上嘉其勤誠待遇良厚故遣燾等使其國

九月二十一日回至

明州舊紀但書遣官
新紀乃出安燾姓名

詔河北東路緣邊軍留糧三年

餘州軍留二年支遣外其餘聽依市直量減價糶毋損

元價其錢封樁候歲豐糶入元數 詔成都府路轉運

司劾成都府官司越職受理茶場司事者茶園戶等如

有罪亦劾之已決者具析以聞以李稷言知成都府劉

庠受名山知縣楊少逸越訴事不可提舉茶場司故也

初少逸因民訟以狀白庠願聞於朝督茶吏路玠盜傳

欽定四庫全書

續資治通鑑長編
卷二百八十七

十三

郵而藏之庠具奏其事且言權茶害遠方請重黜玠而

稷方主玠論庠越職故有是詔

此據呂陶
誌庠墓

三司乞量

增在京酒行麴錢於年額減麴三十萬觔遇閏年增造

萬觔均給從之 熙河路經畧司張詵乞下監司收捕

遊邊人傳押歸本貫詔經略司發遣許人告賞錢百千

犯者不用蔭官員具案聞奏

壬申光祿卿知潞州史炤再任炤考課為河東第一故

也 詔樞密副都承旨張誠一與高麗國信使副同詳

定一行儀物 上批故贈康王宗樸先帝近親其子仲容仲士候服闋各遷一官女二人與縣主後母得援以為例

癸酉司農寺言淮南東路提舉司乞本路縣並用鄉村民戶物產實直錢數數出役錢從之 復桂州修仁鎮為縣

閏正月丙子朔權發遣戶部副使兵部郎中陳安石為集賢殿修撰河東都轉運使尋詔河東路十三州歲給

欽定四庫全書

續資治通鑑長編
卷二百八十七

十四

和糴錢八萬餘緡自今罷之以其錢付轉運司市糴糧草先是安石乘驛與知太原府韓絳同轉運司講求邊儲利害絳乞改和糴之法減放原數三分罷官支錢布但寬其支移之苦則實惠已及於民遇災傷十七則又除之而安石言十三州二稅以石計之凡三十九萬二千有餘而和糴之數凡八十二萬四千有餘所以災傷舊不除免蓋十三州稅輕又本地恃為邊儲理不可闕故也其和糴舊支錢布相半數既畸零民病入州縣之

費以鈔買錢於市人畧不收半公家支費實錢而百姓

乃得虛名欲自今罷文糴錢歲以其錢支與緣邊州郡

市糧草封樁遇災傷據民不能輸數補填如無災傷三

年一免輸以封樁糧草充數即不須如韓絳減數三分

及災傷除十七朝廷以為然乃命安石為河東都轉運

使悉推行之又降是詔詔乃初十日事今并書之熙寧九年十一月十四日韓絳云云

十年九月十八日絳又云云食貨志第五卷熙寧九年十二月知太原府韓絳云云元豐元年閏正月詔達三

司戶部副使陳安石諸太原府與絳及本路轉運司共議其事安石言永利東西監鹽請如慶厯前商人輸錢

欽定四庫全書

續資治通鑑長編
卷二百八十七

十五

於麟府豐代嵐憲忻奇嵐寧化保德火山等州軍本州軍乃給券於東西監請鹽以除如饒折糴之弊仍令商人自占所賣地即鹽已運至場務者商人買之加運費如是則官鹽平商販通於事簡使朝廷行其說即除安石為河東都轉運使安石請犯西北青白鹽者以皇祐赦論罪首從皆編配又青白鹽入河東犯人罪至流所歷官不察者罪之四年七月安石自言元豐元年奉詔治鹽事歲有羨餘及增收忻州鹹城鐫戶馬城池鹽課詔安石遷官實其屬五年四月詔安石前後奏請和糴鹽磬坑治之類施行已就緒召為戶部侍郎其職事委茲公岳於熙寧奉行之三年 河東轉運副使國子博士趙子幾提點三司帳司勾院磨勘司仍自今依三司判官法差人 提舉修開澶州曹村決口所兵馬總管燕

達言所總士卒甚衆如有犯無禮及呼萬歲者即於豁

口處斬若有扇搖軍人畧奪財物及叫呼動衆為首情

重者亦乞斬訖以聞為從者減等配千里外牢城從之

仍詔差雲騎第六一指揮為達牙隊 中書言在京舉

差選人處欲並令舉京朝官或使臣見任選人聽滿任

惟市易上界監官檢估官雖進納選人聽差從之仍候

見任人滿日施行 提舉修閉曹村決口所言以今月

丙戌築簽隄開脫水河遣權判太常寺李清臣乘驛祭

欽定四庫全書

續資治通鑑長編
卷二百八十七

十一

告就差走馬承受韓永式齋香建道場三晝夜仍令候

河水稍渾閉口即毋得沙損京東一帶民田

丁丑詔自今大禮聽起居郎起居舍人奏薦親族至六

年復罷

中書時政記云熙寧十年十一月南郊奏薦
恩澤共四百餘員因有詔添入兩史官奏薦

河東經畧使韓絳言麟州靜羌寨星最朗木瓜舖地委

係省田即非兩不耕地管勾軍馬邢佐臣偏見遂非遷

延不決中書進呈詔劾佐臣罪既而上批早來取勘邢

佐臣不處畫地界事恐自有理可且令分析以聞後佐

臣言既為經司體量豈有不實乞移河北一任遂移恩
州鈐轄

戊寅三司請應在官司文係省錢物及拋降計置出納

移用並關申三司相度指揮從之 荆湖北路提點刑

獄司乞辰州會溪城黔安寨依沅州城寨例置牢屋區

斷公事從之 前知曹州劉攽言伏見知濟陰縣羅適

開導古澠河決洩積水有功適議以為若明年春許差

人夫及聽民願併力施功則爾後水官可使永除乞下

欽定四庫全書

續資治通鑑長編
卷二百八十七

十七

本州速與應副上批可記適名姓俟府界劇縣有關與

差以考其治能之實於是以前適知陳留縣仍詔適留舊

任候見任官成資日交替

八年五月十八日
改已薦適今又薦

詔提轄

修京城所於廣固軍士內選及等者給羣牧司馬教習

武藝俟有精熟引見填配管城武騎白馬寧朔指揮關

額

已卯秦鳳等路提舉常平司乞增募州縣裁減過當役

人及增雇錢從之 東上閤門使曹評為西上閤門使

以太皇太后生辰恩也 前安南道經畧招討司言昨

官軍奪決里隘福建路有應募二百二十一人詔各以

功次遷補及賜帛有差 權荆湖南路轉運副使朱初

平言下班殿侍楊昌鑑是徽州黃石園奉職光鎮子自

陳三州一鎮補班行人甚衆未有一人出官者望優與

推恩詔授昌鑑三班借職增差監潭州稅 詔河北東

西永興秦鳳京東東西京西南北淮南東西路轉運司

並依未分路以前通管兩路其錢穀並聽移用除河北

欽定四庫全書

續資治通鑑長編
卷二百八十七

十八

陝西外餘減判官一員

庚辰命御史中丞鄧潤甫知制誥孫洙並兼詳定重修

編敕 詔開封府界提點諸路轉運副使判官罷兼提

舉常平司 又詔權同判都水監劉增檢計曹村決

口功料以聞司馬光記開云元豐元年春塞曹村決口

以導之不行則決河北岸王莽河任其所之恐其浸

淫南及京城故也天章間特制韓鎮都水監丞劉增河

北轉運判官汪輔之掌之按韓鎮於正月戊午相視決

河四乞止用新河量興功增修後不見鎮督役河上不

知司馬光何以云然今因劉增

覆檢計功料附注更當考詳 上批近降相州吏人

於法寺謂求失入死罪刑名事緣開封府刑獄與法寺

日有相干深恐上下忌礙不盡情推劾致姦賊之吏得

以幸免宜移送御史臺相州獄乃鞠法司潘開行賂實

錄具其姓名蔡確傳獨稱馮言

獄馮言即失入死 初韓琦判相州有三人為劫為隣里

罪者見六月辛酉 所逐而散既而為魁者謂其徒曰自今劫人有救者先

殺之衆諾他日又劫一家執其老姥榜捶求貨鄰人不

忍其號呼來語賊曰此姥更無他貨可惜榜死其徒即

刺殺之州司皆處三人死刑房堂後官周清本江寧府

欽定四庫全書

續資治通鑑長編
卷二百八十七

十九

法司後為三司大將王安石引置中書且立法云若刑

房能駁審刑大理刑部斷後違法得當者一事遷一官

故刑房吏日取舊案吹毛以求其失清以此自大將四

年遷至供備庫使行堂後官事相州獄已決數年清駁

之曰新法凡殺人雖已死其為從者被執雖經拷掠若

能先引服皆從按問欲舉律減一等今盜魁既令其徒

云有救者先殺之則魁當為首其徒用魁言殺救者則

為從又至獄先引服當減等而相州殺之刑部不駁皆

為失入死罪事下大理大理以為魁言有救者先殺之謂執兵仗來鬪者也今鄰人以好言勸之非救也其徒自出己意手殺人不可為從相州斷是詳斷官竇革周孝恭以此白檢正劉奉世奉世曰君為法官自圖之何必相示二人曰然則不可為失入奉世曰君自當依法此豈必欲君為失入邪於是大理奏相州斷是清執前議再駁復下刑部新官定刑部以清駁為是大理不服方爭論未決會皇城司奏相州法司潘開賁貨詣大理

欽定四庫全書

續資治通鑑長編
卷二百八十七

二十

行財枉法初殿中丞陳安民簽書相州判官日斷此獄聞清駁之懼得罪詣京師歷抵親識求救文彥博之子大理評事及甫安民之姊子吳充之壻也安民以書召開云爾自來照管法司竭其家貲入京師欲貸大理胥吏問其消息相州人高在等在京師為司農吏利其貨與中書吏數人共耗用其物實未嘗見大理吏也為皇城司所奏言齎三千餘緡賂大理事下開封按鞠無行賂惟得安民與開書諫官蔡確知安民與充有親乃密

言事連大臣非開封可了遂移其獄御史臺蓋從確請也

辛巳翰林侍讀學士竇文閣學士提舉中太一宮呂公著兼端明殿學士知審官西院先是上批公著侍從舊臣宜除翰林學士承旨兼舊職而公著以齒髮向衰辭不就故改是命太常博士集賢校理劉奉世直史館為修國史院編修官詔開封府劾權戶部判官主客

郎中張充宗內殿承制勾當右驛驤院高遵制接伴遼

欽定四庫全書

續資治通鑑長編
卷二百八十七

二十一

使緣路不法事先衝替聽追攝後充宗遵制各追一官勒停坐以違禁物償違使所亡器皿於驛舍與雜戶通故也斷者在六月已巳今并書詔京東路轉運司許借封樁差軍代役人錢五萬緡西路轉運司許借坊場錢十萬緡預置上供紬絹

壬午廣南西路經畧司言緣邊寨鎮使臣年滿及見關無人願就乞自今權免同罪更不取願就狀詔本路緣邊寨鎮使臣自今並依五路舉官條奏舉權免取願就

狀候交人入貢取旨 權發遣本路提點刑獄劉宗傑言

邕州修城不依宣撫司指揮丈尺乞下經界司相度修

築詔干繫官並劾罪其提舉官劉宗傑自案舉特免劾

委經界司相度所築城如堪久遠守禦即督功完就若

低怯難以禦敵別計工以聞 復置三司帳司催驅官

一員從李承之奏請也 禮部言禘祫之外親祠太廟並以功

臣配享從之去年十二月甲辰初有詔而紀並書此 詔中書立給散常

平錢穀賞罰法以聞 又詔常平錢穀當輸錢而願輸

欽定四庫全書 續資治通鑑長編 卷二百八十七 三

穀若金帛者官立中價示民物不盡其錢者足以錢錢

不盡其物者還其餘直常平倉錢穀其在民者有常錢

春散之數從夏秋稅有所謂緩急闕乏而貸者皆定輸

息二分穀則歲豐量增價以糴歲饑減時價糴之以賑

糴又聽民以金帛易穀而有司少加金帛之直凡錢穀

當給若糴皆用九年詔書通取留一半之餘此據食貨志第一卷

係之元豐元年檢尋月日未見今附此立給散常平錢官賞罰後實錄稱賞法恐字誤當作罰也七年九月二

十六日并九年正月九日又二十二日並合參照五月十七日實錄有詔常平錢穀願以穀及金帛准市直中

價計二分息折納者聽即此事也或移此附彼 法寺奏新知福州曾鞏遷延

不之官等罪詔特罰銅十觔

癸未宣徽使王拱辰請以女童代集英殿大燕小兒隊

舞從之 知諫院蔡確言伏見陳繹復知制誥案繹汚

醜狼藉道路共傳往在鄧州遂致閨門之禍其子與婦

一夕同命而繹傲然無哀戚慙報之容及還京師陰與

中書屬官張諤練亨甫等交相朋附因公事受張諤私

簡蹤跡已露不可更污侍從詔陳繹落知制誥為秘書

欽定四庫全書 續資治通鑑長編 卷二百八十七 三

監集賢院學士 斬內殿崇班机榔縣巡防地分陳嵩

刺配三班差使机榔縣守把胡清沙門島坐妄稱賊至

無故擅棄城寨而走也

甲申以光祿寺丞上官均為太子中允權監察御史裏

行中丞鄧潤甫知雜蔡確薦也均家傳云均用蔡確薦為御史四月乙卯可見

內殿承制謝季成權提舉訓練福建路團結諸軍 詔

編修明堂式所併歸提點南郊事務所比較熙河財利

所併歸經制熙河財利司其詳定編修令式及詳定一

司勅並併歸修內諸司式所一路一州一縣勅併歸重修編勅所詳定間冗文字所令孔目房檢正官結絕以上除見存外並罷局餘並依限了畢限外官吏罷添給又詔刑部大理寺自今奏舉習學公事並舉曾試刑法得循兩資以上人賜度僧牒百付河北東路轉運司買材木應副大名府澶州修倉

先是上元張燈太皇太后以齒疾不能食不出觀乙酉上復令禁中張燈露臺妓樂皆入太后疾尚未平酒數

欽定四庫全書

續資治通鑑長編
卷二百八十七

二十四

行而起

此據司馬記開

丙戌詔應捕盜公人罰銅錢並充轉運司捉賊賞錢

丁亥大名府元城縣主簿吳璋上所注司馬穰苴兵法

三卷詔送武學看詳其後武學言有可采詔璋候武學

教授有闕試兵機時務策各一道取裁

戊子太子中允權監察御史裏行彭汝礪為館閣校勘

江南東路轉運判官既而汝礪辭校勘從之辭日復上

疏論時事且言不患無將順之臣患無諫諍之臣不患

無敢為之臣患無敢言之臣上察其忠慰諭久之命

刑部員外郎檢正中書吏房公事向宗儒太常丞檢正

中書戶房公事畢仲衍並編修中書備對宰相吳克以

聖問多出意表故請為此書

聖問多出意表據李清臣與許將書三年八月十一

日書

己丑詔贈尚書令韓琦依趙普例不加贈又詔河北

路以常平米賑濟饑民

庚寅福建路體量安撫司言捕獲廖思黨龍騎卒李員

欽定四庫全書

續資治通鑑長編
卷二百八十七

二十五

楊禪乞法外重斷所異元刺充軍之人有所畏憚不敢

走竄上批並處斬梟首示衆

辛卯中書禮房習學公事蔡京言御寶批降指揮未經

編錄成冊恐歲月滋久本末不全乞委官編錄從之仍

命京管勾詔宣徽院等處供報修注事旬終月終自

今更不供起居院直供編修院日曆所

壬辰以權知開封府樞密直學士右諫議大夫孫固同

知樞密院事右諫議大夫集賢院學士同修國史蘓頌

知開封府

癸巳詔任緣邊及黃河地分官試刑法者並須任滿待
闕在一季內者亦如之 三司乞裁定諸路預買匹帛
價羣牧司乞於德順軍置場買馬並從之 詔大理寺
丞王欽臣展磨勘四年前降一官指揮更不施行其轉
太常丞及降太子中允勅並追毀坐定奪解子平地界
不實案未上年例當遷已改太常丞及案奏特旨奪一
官而法當自未遷官時責降故也

欽定四庫全書

續資治通鑑長編
卷二百八十七

二十六

甲午詔提舉官並差朝官資任服色添給錫賜序官人
從並依轉運判官例其當舉於開封府界提點諸路轉
運使副判官提點刑獄見舉官數內均減之後立法諸路提舉所
舉官計二百有九人內一百有一人均減增定此墨本
所書未本簽貼云取會到數各不同亦不須載削去

詔鄆州壽張知縣范規濟州鄆城縣牛在天各與堂
除差遣以縣水災率市民護城有勞也 又詔提舉司
天監近校月食時分比崇天明天二法已見新歷為密
又前閏正月歲在戊子今復閏於戊午恐理亦不謬宜

更不須考究其所差講究新歷官等並罷衛朴給路費
錢二十千先是朴在熙寧初更造新歷至十年議者以
為占月食差故再詔朴集議至是罷之熙寧九年正月
二十七日沈括
奏并注云云並合參考新本削
去先是以下乃朱本所增也 又詔兩浙轉運使蘓
洵與知明州李定同計置造高麗國信過海船如別奉
朝旨幹事並聽牒提點刑獄或轉運判官 又詔諸命
官因事以財行求雖行倉法處非曲法者不坐受財者
論如法

欽定四庫全書

續資治通鑑長編
卷二百八十七

二十六

丙申中書言陝西轉運使聽帶制置解鹽使其副使判
官悉罷兼領安燾等奏乞差校書郎豐稷充書狀司並
從之稷鄆人也 賜徐州乾明寺塔名曰靈慧僧真寂
大師號曰靈慧大師先是徐州言河水為患九十餘日
州城危甚長吏率官屬詣塔齋禱期決日水退當奏乞
謚號至六日水果退而陰雨連日城中水潦無所決泄
居民憂恐告病復禱於塔即時開霽真寂姓張氏名仁
節河東人唐開元天寶間住持泗州盱眙縣先福寺應